

## EW NAMOPUNG

A awora ukukun \$20,000 seni ewe Monienapen ewe Muun Chuuk ren fan asengesiin sopusopun monien ewe Vocational Rehabilitation Services non Chuuk, me pwan ren ekkoch popun.

Epwe pung me ren ewe Legislature-un Chuuk.

Tetten 1. Iei a kawor ukukun \$20,000; ika fite ukukun epwe tongeni naaf, seni ewe Monienapen ewe Muun Chuuk ren fan asengesiin sopusopun monieh ewe State Vocational Rehabilitation Services non Chuuk.

Tetten 2. Ei ukukun moni mei kawor me ren Tetten 1 epwe amwokut me tumuh fan pungun Annukun Chuuk No. 5-81, me ewe State Financial Management Act, iwe esap pwan wor katoun me nounoun moni epwe nap seni ei ukukun mei kawor. Nussun moni esemwo it me non ei moni non September 30, 1984, epwe niwinsefan ngeni ewe Monienapen ewe Muun Chuuk.


Tetten 3. Ewe Kepina, ika ion a finata, epwe awora repotun ei moni ngeni ewe Legislature me mwen April 15, 1984 epwe affatatiw:

- 1) unusen porausen nounoun ei moni, fongon me ukukun nussun mei wor non April 1, 1984; pwan
- 2) napanapen nounoun ewe nussun moni mei wor non April 1, 1984, an epwe nounou non ewe nussun ewe fiscal year; nge och sopusopun report epwe pwan kawor ngeni ewe Legislature ika ew committee mei weneiti, nefinen 20 ran me murin soponon ewe fiscal year, epwe affatatiw usun nounoun ewe moni.


Tetten 4. Ei Namopung epwe poputa pochokunan fansoun an a

kapunguno me ren ewe Kepina, ika fansoun an a pusin winiti annuk won  
pusin winikapan, inamwo ika esemwo kapunguno.

Sain seni:

  
Kisanke Sos, Speaker  
Truk State Legislature


Annetata:

  
Datusi Albert  
Legislative Chief Clerk  
Truk State Legislature

Pwinin maram:

2/24/84

A Kapunguno seni:

  
Erhart Aten, Governor  
Truk State Government

Pwinin maram:

March 1, 1984